

Tur cos ta canando pa e estatua nobo di nos Libertador Betico Croes.

Despues di 10 aña warda, ta sali den luz pa pueblo aprecia

STA CRUZ – Manera nos a bin ta informa nos pueblo di Aruba cu dia 18 di Maart Aruba lo conoce un estatua nobo di nos Libertador

Betico Croes riba Plaza Libertador Betico Croes. Ayera nos reporter a capta momentonan cu e personal cu ta trahando riba Plaza

Betico Croes tabata presente na e cas di nos Libertador na Cumana ta preparando e estatua pa asina ser poni otro siman caba riba Plaza en conexcion cu e celebracion grandi pa di 18 di Maart. Riba e portet por mira e personal trahando tur dia duro pa asina esaki keda bon prepara. Manera ta conoci e estatua aki a keda diez aña para y nunca nada no a ser haci. Pero como cu ta bay ta un aña especial den 2006 a dicidi di haci algo cu esaki y cuminza prepara pa asina duna nos Libertador e honor cu e merece riba un dia asina grandi manera 18 di Maart. Solo di Pueblo tambe lo sigui esaki di cerca pa asina haya cada paso di e ponemento di e estatua aki cual lo bay tuma lugar otro siman riba Plaza Libertador Betico Croes.

